
Шўроқерда электр таъминотини яхшилаш чоралари кўрилди

Бағдод туманида аҳоли хонадонлари ва ишлаб чиқариш корхоналарида электр таъминотини яхшилаш, тизимдаги мавжуд муаммоларни бартараф этиш борасида самарали ишлар амалга оширилмоқда.

Туман электр таъминоти корхонаси ходимлари томонидан ҳудудларда Фарғона ҳудудий электр тармоқлари корхонаси тасдиқлаган режа-дастурга асосан паст кучланишли электр узатиш тармоқлари ҳамда трансформатор пунктларини жорий ва мукамал таъмирлаш ишлари олиб борилмоқда.

“Шўроқер” маҳалла фуқаролар йиғини ҳудудида жойлашган 222-трансформатор пункти ва ундан чиқувчи 0.4 кВ электр узатиш тармоқлари мукамал таъмирдан чиқарилди. Хусусан, трансформатор пунктини бўяш, монтаж қилиш, носоз электр қурилмаларини янгилаш ишлари бажарилди.

Шу билан бирга, Ўзбекистон Республикаси Президентининг “2022-2023 йилларда маҳаллалар инфратузилмасини янада яхшилаш бўйича қўшимча чора-тадбирлар тўғрисида”ги 408-сонли Қарорига асосан, маҳалла ҳудудида жойлашган GKTP-210/250 кВА ли трансформатор пункти “юк”ини енгиллатиш мақсадида 0,4-10 кВ ли кабеллар монтаж қилинди.

Ҳудудларда электр таъминотини яхшилаш, электр қурилмалари ва электр узатиш тармоқларини таъмирлаш ишлари давом этмоқда.

Бағдод тумани ҳокимлиги Ахборот хизмати.

2023-06-06 17:43:14